



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 5. Papa hisce mutationibus in Religione attentatis irritatus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI
A. C. 1556.

bus vetitis urgente necessitate carnibus vesci possent, nec minus, quantum posset, se curaturum spondit, ut Episcopus Salisburgensis hanc concessionem approbet, eamque Magistratus confirmet: cum vero hac sua indulgentia facile in suspicionem trahi posset, perinde acsi a Religione Catholica deficere paratus esset, hinc multis verbis profitebatur, quod nullatenus a Majorum suorum Religione discedere, nec in cæremoniis, aliisque ritibus quicquam immutare velit, cum neque id sibi licitum foret, nisi supremus Magistratus Ecclesiasticus id ipsum permetteret. Istud diploma, quo hæc indulserat, fideique suæ constantiam erat professus, die ultima Martii promulgabatur.

§. V.

Papa hisce mutationibus in Religione attentatis irritatus.

Sleidan
comm. l. c.
Thuan. l. 17.
Pallav. l. 13.
c. 14. n. 1.

Eodem Mense Albertus Porussæ Dux a Megalopolitano Duce Genero suo seductus edito diplomate, quod Confessionem Augustanam profiteretur, declarabat, suisque Ministris præcipiebat, ut doctrinam in ea contentam in vulgus spargerent. Hic idem quoque Megalopolitanus Dux Joannem Funckium, qui antea Osiandri erroribus adhæserat, eo induxit, ut palam hosce detestare-

staretur, ac soli Augustanæ confessioni infisteret, eoquod illa etiam Spiræ publica Senatus auctoritate fuisset recepta, atque a Carolo Badensi Marchione adoptata, qui ex urbibus ditioni suæ vicinis Ministros evocabat, ut ibidem adulterinam erigeret Ecclesiam. Cunctis hisce Germaniæ tumultibus, crebrisque Religionis innovationibus summus Pontifex summopere commovebatur, præcipue cum jam antea Augustanum decretum ægerrime ferret, ac desuper apud Ferdinandum acris admodum verbis quereretur. Ast Protestantes Papæ indignationem edocti Cæsarem, ut præfatum decretum declararet invalidum, a Papa sollicitari suspicabantur, eorumque timor inde magis augebatur, quod Cardinalis Augustanus, qui Protestantibus summopere adversabatur, in Italiam fuisset profectus; existimabant enim, hoc iter ab eo haud alio ex consilio susceptum, nisi ut de opportunis hoc decretum revocandi, atque Ecclesiæ jurisdictionem in Germania restaurandi mediis clam cum Papa conferret. Quinimo in vulgus spargere haud dubitabant, quod Pontifex sæpius cum Augustano Cardinale hac de re egisset, Cæsaremque suo Sacramento solvisset, eique validas militum, ac pecuniæ suppetias pro bello

Hist. Eccles. Tom. XLII.

Z

in

Sæcul XVI.
A.C 1556.

Sæcul. XVI.
A. C. 1556.

in Protestantes movendo fuisset pollicitus. His addebant alii, quod Philippus Hispaniæ Rex octo armatorum milia intra Germaniæ fines ad rem eo magis celandam, conscribere iussus esset, ut Principes, cum interea Ratisbonensi colloquio intenti a suis ditionibus abessent, collectis omnibus viribus eo validius invaderentur.

§. VI.

Augustani Cardinalis vindiciæ contra hæc suspiciones.

*Sleid. &
Thuan. l. c.*

Postquam Cardinalis Augustanus, qui integro ferme anno Romæ morabatur, inde reversus perceperat, quam finistre plerique de ipso sentirent, perinde acsi cum Pontifice occulta, & Imperio præjudiciosa machinatus fuisset consilia, partium suarum esse censebat, ut hæc calumnias a se depelleret editis literis, quas Germanice conscriptas exeunte Mense Majo divulgaverat. Romam, inquiebat Cardinalis in suo scripto, *officii mei causa profectus sum, atque ejus, qui nunc præest, interfui Pontificis electioni: statueram equidem ad meos quam primum in Germaniam redire, sed a Papa fui detentus, qui tunc emendationem Ecclesiæ tractabat, ut delectis nonnullis ad eam rem viris egregiis omnium nationum, me licet imparem tantæ provinciæ, qui*
Ger-